

湖南苗防屯政考

張氏補遺

湖南苗防屯政考卷四



二品銜前署湖南辰永沅靖道但湘良纂

征服下

奏黔苗滋事親赴邊界摺

嘉慶六年

湖南王 柄
提督

奏爲黔苗滋事

奴才

親赴邊界密爲防範並現在三廳地方極爲安

謚奏慰

聖鑒事本年三月十五日接據鳳凰永綏廳營稟報貴州松桃廳平頭

司匪苗糾眾焚搶民村各等情

奴才

查鳳永廳營苗界深處與黔

寨處處相通難免勾結從前戡定時原將楚省苗寨舊時營汛撤

出設立土塘責成苗弁管束散苗因黔苗稍順借黔寨以禦楚苗

今黔苗蠢動誠恐楚苗附和同行奴才隨派左營遊擊張樾前赴黔界確探情形一面咨移鎮道並嚴飭各廳營慎密邊防督飭苗弁管束散苗務使黔苗不能勾結楚苗不敢出境茲與鎮道廳營商定鳳凰廳自黔楚接壤之龍潭河起至永綏交界之泛石岩止計長一百餘里添設三十六卡永綏自茶洞汛起至仁廣寨止共一十六處各派添兵勇苗兵酌加鹽糧密羅分布凡有黔苗潛行糾約或逃竄前來以及楚苗出界附和俱令擒獻領賞並酌派練勇一千名苗兵五百名令知府銜同知傅鼐都司唐光盛於接壤最要之處往來屯劄飭令各寨同心堵禦復藉巡閱之便親赴沿邊一帶鎮靜彈壓總期斷絕楚苗附和黔兵不防楚苗專力逼勦

迅速戴事仰慰

聖衷現在楚省三廳民苗各安畊鑿極其甯謐所有籌辦邊防親身巡閱並地方安靜緣由理合恭摺馳奏伏祈

皇上聖鑒謹

奏

奏黔苗滋事楚省防堵摺

嘉慶六年

湖南巡撫馬慧裕

奏爲據報黔苗滋事楚省現在約束防堵情形恭摺奏

聞事竊

臣

於三月十七日以後准據提鎮辰沅道及鳳凰永綏二廳

先後咨稟准貴州松桃廳協知會所屬平頭司地方於三月初四
日夜被苗匪焚掠業經通稟會同查捕恐苗匪窮竄蔓延移會一
體防堵等因該文武於未准移會之先已據差弁等探報當經分
別酌派兵勇前赴接壤要隘處所相機防範等情臣查楚省苗疆
鳳凰永綏兩廳均與黔省毗連沿邊三百餘里苗寨縱橫犬牙相
錯今黔匪蠢動苗人氣類相通不無勾結附和情事而黔省既經
籌剿尤恐被勦情急闖入楚境必須於各廳沿邊扼要地方分設

卡座嚴密巡防並駕馭苗弁約束散苗俾各安分守法不致暗結助勢方爲妥善隨卽分別移行一體會商籌辦去後茲復准據各處咨稟鳳凰同知傅鼎先經稟商鎮道會同營員傳集三營各苗寨弁曰開誠曉諭卽於土塘苗兵內挑選一千名酌量借給鹽糧自楚黔交界之龍潭河起由銅岩夯等處至永綏之泛石岩止計長一百餘里共設三十卡令其晝夜堵守道路傳鼎布置後調集隊勇一千名於二十三日帶領前赴貴州正大營會合堵禦並挑選附近苗兵五百名交都司唐光盛等帶領預備接應巡查苗卡并據稱經過民苗村寨苗人等均知感畏沿邊一帶屯畊無警永綏同知王廷瑛護副將于天祿亦經稟商鎮道於黔楚接壤之茶

洞汛等十六處共添撥兵四百九十名苗兵一千五百四十名酌給鹽糧按卡分佈王廷瑛親身查勘並開導苗弁約束管下苗人毋得容畱黔匪暗中附和該弁等俱各凜遵出結鎮筸鎮臣富志那挑備四營精銳官兵五百名俟貴州撫臣到銅會商再進綏靖鎮臣魁保亦馳赴永綏酌籌督辦提臣王柄先經差委游擊張樾前往永綏會同該處文武查辦仍酌量何處緊要卽親帶官兵馳往接應各等情前來查此次黔苗滋擾焚掠松桃平頭司地方探係上潮石峴等寨匪苗爲首糾約續據偵報蔓延至鎮遠府屬之四十八溪現聞貴州撫臣伊桑阿派撥兵勇分路搜捕防堵更關緊要楚省苗疆提鎮道員及各該廳協均熟悉苗情兼之文武同

心協籌布置頗爲妥協臣復又諄切移行務須督率各卡員弁兵勇實力防守凡有黔苗入境卽擒獻領賞並嚴飭苗弁認真約束散苗杜黔匪竄入之路絕楚苗附和之端俾黔苗勢孤黨解黔省不虞楚苗之牽綴得以專力進攻仍俟黔兵剿進楚界卽相機會合兩面夾擊以期迅速藏事仰慰

皇上綏靖邊圉之至意除咨會貴州撫臣查照外所有黔苗滋事楚省現在約束防堵情形謹恭摺由驛奏

聞伏乞

皇上聖鑒謹 奏嘉慶六年四月十七日奉

硃批另有旨欽此

附奏苗疆畱防兵勇未便遽行裁撤片

嘉慶六年

湖南馬慧裕
巡撫

再查楚省苗疆畱防兵勇前經督臣書麟等會籌具奏酌於本年二三月間先撤防兵一千名四五月春耕後再撤添防兵勇一千五百名秋收後將原防兵勇次第盡數裁撤欽奉

硃批因時制宜務期妥協鄉勇應否裁撤總以苗情安靜爲度節省幾月錢糧殊不足計欽此仰見我

皇上慎重苗疆權衡緩急不勝欽服茲值黔省匪苗滋事楚疆正當防禦吃緊之時自未便遽行撤減應請俟黔省剿捕事竣楚省苗情安靜再行奏明酌量以次裁撤斷不敢因循畱設虛糜錢糧亦不

敢願惜小費致誤地方理合附摺具奏伏乞

聖明睿鑒訓示謹奏奉

硃批甚是欽此嘉慶六年四月十七日奉

上諭馬慧裕奏廣東撥赴湖北補額兵丁業經書麟行文停止但現在頭二起兵已過長沙請仍飭令趲赴軍營其未入楚境之兵卽令就近截回所辦甚是至另摺所奏黔苗滋事楚省現在約束防堵情形楚省苗疆均與黔省毗連難保無勾結情事馬慧裕務當督率文武員弁於黔楚接壤要隘處所分布營卡嚴密巡防倘有黔苗潛竄入境立即隨時擒獲其安分楚苗惟當妥爲綏輯持以鎮靜勿令驚疑此爲最要再另片所奏苗疆畱防兵勇未便遽行裁撤一節裁撤兵

勇原當隨時酌量辦理朕曾經批示總以苗情安靜爲度節省幾月錢糧殊不足計今黔苗又有焚掠之事楚省苗疆正資防範所有畱防兵勇著俟黔省剿捕事竣楚省苗情安靜時馬慧裕再行酌量情形奏明以次裁撤將此由四百里諭令知之欽此

以本封賜親出田四頃置廟令以祭

公卿大夫皆給驛馬車馬費皆給津渡驛馬車馬費皆給津渡驛馬車馬費皆給津渡

水不取錢今傳聞又曰漢書卷一百一十五地理志云漢書卷一百一十五地理志云

漢書卷一百一十五地理志云漢書卷一百一十五地理志云漢書卷一百一十五地理志云

覆奏黔楚苗匪勾結情形摺

嘉慶六年

湖南巡撫馬慧裕

奏爲遵

旨據實覆奏事本年四月二十五日承准軍機大臣字寄四月十八日奉

上諭現在黔苗滋事節據馬慧裕王柄奏報祇稱楚省苗疆與黔省毗連恐有勾結情事派兵在沿邊防堵並未提及黔苗滋事有楚苗在內本日據琅玕奏稱係楚苗前往勾結與馬慧裕所奏不符若本係楚苗勾結黔苗起事經楚省官兵轟出遂稱楚苗現在安靜此則不可楚苗既能赴黔煽誘安保其不又潛回本境勾引伊等親友幫助爲匪馬慧裕務當飭令傳鼐等畱心防範嚴密查拏但須持以鎮靜

不可稍涉張皇並將楚苗如何潛往勾結及因何啟釁迅速據實具奏毋得迴護等因欽此遵

旨寄信到

臣

伏查此次黔苗滋事先准據提鎮道廳咨稟接據貴州松

桃廳協知會所屬平頭司地方被苗匪焚掠業經通稟查捕恐苗匪窮竄蔓延移會防堵等因並未提及有楚苗在內臣因黔楚苗寨毗連恐有勾結情事行據各該文武設卡防禦當經奏蒙

聖主垂鑒嗣准貴州撫

臣

伊桑阿鈔摺移咨內稱查係銅仁府所屬石

峴上潮等十四寨窮苗與楚苗互相勾結焚掠滋擾等語則是又有楚苗在內復經飭查去後茲據鳳凰同知傅鼐稟稱現在探聞黔省官兵攻克石峴匪寨首夥全獲業已辦理完竣並准貴州松

桃胡同知先後移稱拏獲楚苗麻添保隴老翠隴老九隴老文訊
據供認被上潮隴通明隴通枚及石峴白老寅等糾約搶掠等語
且查石峴匪巢深處黔疆距楚邊苗寨百有餘里中隔黔屬正大
構皮盤石麥地等營汛並未接壤毗連楚苗亦不能越百里之外
圖佔田地自係黔苗起意勾結楚苗前往滋事該廳傳聞現住新
寨苗地督飭弁目確查附和楚匪嚴密拘拏一俟就獲錄供稟辦
等情查黔楚苗人犬羊成性氣類相通非特不保黔苗之不暗中
糾約並不能保楚苗之必不起意勾結惟在隨時查察有犯必懲
俾知懾威斂跡無所容其誘卸此次楚苗麻添保等越赴黔省聽
從滋事旣據松桃同知錄供移會併查石峴匪寨距楚邊苗寨百